

Headlines

1. प्रधानमंत्री नरेन्द्र मोदी होरें आखेआ ऐ जे दुनिया दे बक्ख-बक्ख हिस्सें च बधै करदी तनोतनी, अशांति ते अस्थिरता दे हालात च योग स्थाई शांति दी बत्त दस्सने दा कम्म करदा ऐ।
2. लेफ्टिनेंट गवर्नर मनोज सिन्हा होरें अज्ज 11में अंतराष्ट्री योग दिवस आहले कार्यक्रमै च हिस्सा लैता ते योग दिए बक्ख-बक्ख मुद्राएं दा अभ्यास कीता।
3. रक्षा मंत्री राजनाथ सिंह होरें आखेआ ऐ जे आपरेशन सिंदूर, आतंकवाद खलाफ नमें भारत दे धेइये गी दर्शादा ऐ।
4. मुख्यमंत्री ओमर अब्दुल्ला होरें आखेआ ऐ जे लोकें उ'नेंगी 5एं ब'रें दा जनादेश दित्ते दा ऐ ते ओह लोकें दिए आसें-तांगें गी पूरा करने दी पूरी-पूरी कोशश करै करदे न।
5. जल शक्ति मंत्री जावेद राणा होरें मुहर्रम दे मद्देनजर कीती जा'रदी तैयारिएं दा जायजा लैता।

<><><><><><>

PM Yoga Day (byte)

प्रधानमंत्री नरेन्द्र मोदी होरें अज्ज आखेआ ऐ जे दुनिया दे बक्ख-बक्ख हिस्सें च बधै करदे तनाऽ, अशांति ते अस्थिरता दे हालात च योग, स्थाई शांति दी बत्त दस्सने दा कम्म करदा ऐ। प्रधानमंत्री होरें शांतिपूर्ण, संतुलित ते टिकाउ दुनिया दे निर्माण लेई सांझे जतनें दे महत्व पर लोऽ पाई। अज्ज 11में अंतराष्ट्री योग दिवस दे मौके उपपर आंध्र प्रदेश दे विशाखापत्तनम च आयोजित योग दे कार्यक्रमै च हिस्सा लेंदे होई श्री मोदी होरें आखेआ जे योग गै मनुक्खता गी खुल्लियै साह लैने ते संतुलित बनाने दी बुनियाद ऐ। प्रधानमंत्री होरें आखेआ श्री मोदी होरें आखेआ जे इस ब'रे अंतराष्ट्री योग दिवस दा विशे-सार ऐ 'इक धरत-इक सेहतू लेई योग' ते एह असें'गी चेतता दोआंदा ऐ जे कि'आं पूरी दुनिया किट्ठे रलियै, मजूदा ते औने आहली पीढ़िएं लेई धरतै गी मता खुशहाल बनाई सकदी ऐ।

<><><><><><>

LG Yoga

लेफ्टिनेंट गवर्नर मनोज सिन्हा होरें अज्ज 11में अंतराष्ट्री योग दिवस आहले कार्यक्रमै च हिस्सा लैता ते योग दिए बक्ख-बक्ख मुद्राएं दा अभ्यास कीता। उ'नें आखेआ जे अज्जै दी तेज-रफ्तार दुनिया च योग दा महत्व सदा कोला मता ऐ। एलजी होरें आखेआ जे इस ब'रे दा एह ध्याड़ा समूलची मनुक्ख जाति लेई खरी सेहत दे महत्व गी उजागर करदा ऐ। श्री सिन्हा होरें लोकें गी अपील कीती जे ओह योग गी अपने रोजमर्रा दे जीवन दा हिस्सा बनान ते होरनें गी बी योग करने लेई प्रेरित करन।

<><><><><><>

JK Yoga (2 bytes)

तोआई देश-दुनिया दे बक्ख-बक्ख हिस्सें आहला लेखा जम्मू संभाग च बी अज्ज 11मां अंतराष्ट्री योग ध्याड़ा पूरे जोश ते एकता दी भावना कनै मनाया गेआ। सार्वजनिक पार्कें थमां लेइयै सरकारी दफतरें तगर च लोकें खरी मती गिनतरी च किट्ठे होइयै योग अभ्यास कीता ते शारीरिक ते मानसिक तंदरुस्ती दा स्नेहा पूरी दुनिया तोहड़ी पुजाया। सेहत ते डाक्टरी शिक्षा मैहकमे दिए मंत्री सकीना इत्तू होरें अज्ज श्रीनगर दे एस.के.आई.सी.सी. च योग दिवस आहले मुख्य कार्यक्रमै दी अगुवाई कीती। मुख्य सचिव अटल डुल्लु, बक्ख-बक्ख प्रशासनिक सचिवें, मैहकमें दे प्रमुखें ते खरी मती गिनतरी च मुकामी लोकें ते विद्यार्थिएं बी इस कार्यक्रमै च हिस्सा लैता। इसै चाल्ली जम्मू दे गुलशन ग्राउंड च लोआए गेदे योग आहले मुख्य कार्यक्रम दी अगुवाई ट्रांसपोर्ट मंत्री सतीश शर्मा होरें कीती। इस मौके पर मंत्री होरें योग दे बक्ख-बक्ख आसन कीते ते होरनें बी योग दे महत्व बारै जागरूक बनाया। तोआई जम्मू-कश्मीर ते लद्दाख हाईकोर्ट आसेआ बी अज्ज जम्मू ते श्रीनगर आहले अदालती परिसरें च योग दे कार्यक्रम आयोजित कीते गे। इसै चाल्ली जम्मू संभाग दे बन्ने आहले जिले सांबा च बी 11मां अंतराष्ट्री योग दिवस बड़े जोश ते एकता दी भावना कनै मनाया गेआ। मुख्य कार्यक्रम दा आयोजन रानी सुचेत सिंह स्पोर्ट्स स्टेडियम च कीता गेदा हा। इस मौके उपपर आकाशवाणी समाचार कनै गल्ल करदे होई सांबा दे डिप्टी कमिशनर राजेश शर्मा होरें आखेआ जे अज्जै दे समे च हर कुसे लेई योग दा बड़ा मता महत्व ऐ। उ'नें आखेआ

तोआई आयूष विभाग रामबन आसेआ डिप्टी कमिशनर मोहम्मद एलियास खान हुं'दे मार्गदर्शन हेठ अंतराष्ट्री योग दिवस दे सरबंघै च जिला प्रशासनिक दफतरै च योग दा कार्यक्रम आयोजित कीता गेआ। इस मौके उपपर योग दे कार्यक्रम सनै जागरूकता कार्यक्रमें दा सरिस्ता बी कीता गेआ जेह्दे राहें लोकें गी खरी मानसिक ते शारीरिक सेहत दे महत्व बारै जानकार बनाया गेआ। इस सरबंघै च आकाशवाणी समाचार कनै चेचे तौर पर गल्ल करदे होई वरिष्ठ मेडिकल अधिकारी ते जिला योग कोऑर्डिनेटर डाक्टर मसूद इकबाल ज़रगर होरें आखेआ

तोआई फ़ाडी जिले किशतवाड़ च बी अज्ज 11मां अंतराष्ट्री योग दिवस जोशो-खरोश कन्नै मनाया गेआ। मुख्य कार्यक्रम दा आयोजन किशतवाड़ दे ऐतिहासिक चौगान मैदान च कीता गेआ जित्थे 2 जहार शा मते मुकामी लोकें योग दे बक्ख-बक्ख आसन कीते। कार्यक्रम बड़डलै 6 बजे शुरु होआ ते एहदे च केई गणमान्य हस्तिएं हिस्सा लैता जिं'दे च विधायक शगुन परिहार, डिप्टी कमिशनर पंकज शर्मा, एसएसपी नरेश सिंह ते होर बी केई जने शामिल हे।

इस्सै चाल्ली श्री माता वैष्णो देवी श्राईन बोर्ड आसेआ आर्ट ऑफ लिविंग फाउंडेशन दे सैहयोग कन्नै 11मां अंतराष्ट्री योग दिवस पूरे जोश ते जज्बे कन्नै मनाया गेआ। कार्यक्रम दा आयोजन श्री माता वैष्णो देवी स्पोर्ट्स कम्पलैक्स कटरा च कीता गेदा हा। श्री माता वैष्णो देवी श्राईन बोर्ड दे मुख्य कार्यकारी अधिकारी अन्शुल गर्ग होरें इस मौके पर योग दे महत्त्व पर लोऽ पाई ते आखेआ जे योग दे राहें समाज च सद्भाव ते संतुलन स्थापित कीता जाई सकदा ऐ।

आकाशवाणी जम्मू दे क्षेत्रीय समाचार एकांश आसेआ बी अज्ज 11मां अंतराष्ट्री योग दिवस पूरे जोश कन्नै मनाया गेआ। समाचार एकांश दे प्रभारी एन. गुलशन रैना हुं'दे मार्गदर्शन हेठ आयोजित इस कार्यक्रमै च एकांश दे सभ्भनें कर्मचारिं, योग दे बक्ख-बक्ख आसन कीते। कार्यक्रमै च वर्चुअल ढंगै'नै हिस्सा लैंदे होई श्री रैना होरें इस पैहल दी सराहना करदे होई सभ्भनें दा दिल बधाया जे ओह योग गी अपने रोजमर्रा दे जीवन दा हिस्सा बनान कीजे एहदे राहें अपने आपै गी मानसिक ते शारीरिक तौर उप्पर तंदरुस्त रखेआ जाई सकदा ऐ।

तोआई जिला प्रशासन रियासी आसेआ बी अज्ज अंतराष्ट्री योग दिवस मनाया गेआ। चिनाब दरेया पर बनाए गेदे दुनिया दे सभ्भनें शा उच्चे रेल पुल आहली थाहरै पर योग दा इक खास कार्यक्रम आयोजित कीता गेआ जेहदे च सिविल प्रशासन, उत्तर रेलवे ते केन्द्री रिजर्व पुलस बल दे अधिकारिं-कर्मचारिं सने मुकामी लोकें ते योग प्रेमिं बी बधी-चढ़ियै हिस्सा लैता।

<><><><><><>

Defence Minister(byte)

रक्षा मंत्री राजनाथ सिंह होरें आखेआ जे आपरेशन सिंदूर नै आतंकवादिं ते उंदे आकाएं गी एह साफ साफ सनेहा देई दित्ता ऐ जे नमां भारत हुन आतंकवाद दा शिकार नेई बनोग, सगुआं एहदा पूरी तगड़ेयाई कन्नै बनकदा परता देग। अज्ज एधमपुर च अंतराष्ट्रीय योग दिवस समारोह गी संबोधत करदे होई रक्षा मंत्री होरें पाकिस्तान ते पाकिस्तान दे अवैद कब्जे आले जम्मू कश्मीर च थेआरबंद बलें ते खुफिया अजेंसिं आस्सेआ सटीक तालमेल ते दलेरी कन्नै कीती गेदी कारवाई दी बी सराहना कीती। इस मौके पर बोलदे होई उनें आखेआ

<><><><><><>

CM-Bridge(byte)

मुख्यमंत्री उमर अब्दुल्ला होरें अज्ज गांदरबल दे गदूरा च नाला सिंध पर 50 मीटर लम्मे फौलाद दे पुल दा नीह पत्थर रखेआ। 7 करोड़ 56 लक्ख रुपें दी लागत कन्नै तैयार होने आहले इस पुल कन्नै संपर्क सरिस्ते च होर मता सुधार होग ते मुकामी बसनीकें गी मता लाह थोग। इस मौके पर बोलदे होई मुख्यमंत्री होरें आखेआ जे उं'दी सरकार दी एह पैहली प्राथमिकता ऐ जे लोकें दिं आसैं-तांगें गी पूरा कीता जाई सकै। उं'नें आखेआ

<><><><><><>

Rana Muharam

जल शक्ति मंत्री जावदे अहमद राणा होरें अज्ज श्रीनगर च शिया आबादी आले इलाकें दा दौरा लाया ते मुहर्रम दे जलूस शांति ते रमानदारी कन्नै जकीनी बनाने लेई तैआरिं दी समीक्षा कीती। जादीबल थमां विधायक जनवीर सादिक ते बक्ख-बक्ख मैहकमे दे होरने आला अधिकारिं कन्नै रलियै राणा होरें केई इमामवारें दा बी दौरा लाया। अपने दौरे दरान मंत्री राणा होरें इस गल्लै पर जोर पाया जे सभ्भनें मैहकमे गी किट्ठे रलियै ते नेड़मा तालमेल बनाइयै कम्म करना लोड़चदा तां जे सब्बै तैआरिं मौके सिर पूरी कीतियां जाई सकन।

<><><><><><>